



Wie Chriemhilt da bestont.
vnt ir syger dannen reit.

XVIII. Auenture.

Do brahte man den herren. da er Chriemhilt vant.
er sprach zer koniginne. wir soln inuwer lant.
wir wân unmære geste. hie ze Rine sin.
min vil liebiv frowe. nu vart ir zo den landen min.

Sit daz vns untriwe. ane hat getan.
hie indisen landen. des iuren edeln man.
des enstolt ir niht engelten. ich wil in wäge sin.
durch mins sons liebe. des stolt ir gar ane angeft sin.

Ir stolt och haben frowe. allen den gewalt.
den in e' tet kunde. der chüne degn balt.
daz lant vnt och die chrone. daz si in vnderlan.
in soln gerne dienen. alle Siurides man.

Do sagte man den knechten. si solden riten dan.
do wart ein michel gahen. nah rossen getan.
bi ir starchen uinden. was in zewesen leit.
der frowen unt ir mägeden. hiez man sochen diu kleit.

Do der kunie Sigemunt. wolde sin geriten.
do begunden Chriemhilt. ir besten frivnde biten.
daz si bi ir frivnden. solde da bestan.
do sprach diu kuniginne. daz chunde molich ergan.

Wie moht ich den mit ogen. immer an gesehn.
von dem mir armem wibe. so leide ist gesehn.
do sprach ir bruder Giselher. vil liebiu swester min.
du stolt durch dine triwe. hie bi diner mvoter sin.

Die dir da hant betrubet. den lip unt och den mvot.
der bedarfftu vil chleine. zer min eines gvot.
si sprach zu dem degene. wie chunde daz gesehn.
vor leide mvos ich sterben. swenne ich Hagenen solde sehn.

Des tuon ich dir zerate. vil liebiu swester min.
du stolt bi dinem brvder. Giselhere sin.
ich wil dich ergezen. dines mannes tot.
do sprach die kuniginne. des wär mir armen wibe not.

Do ez ir der iunge. so gvoͤtlich erbot.
si begunden vlegen. Votē vnt Gernot.
vnt ir getriwen mage. si baten da bestan.
si hete luzzil frivnde. bi den Sivrides man.

Si sint iv alle fremede. so sprach Gernot.
niemen lebt so starcker. ern moze ligen tot.
daz bedenchet swester. vnt getroestet ivren mvot.
belibet bi den frivnden. ez wirt iv wärlichen gvot.

Do lobte si ir magen. si wolde da bestan.
div roff bereitet warn. den Sigemundes man.
also si wolden riten. heim in Niderlant.
sie heten vf gesvomet. al der rechen gewant.

Do gie der herre Sigemunt. zu Chriemhilde stan.
er sprach zu der frowen. die Sivrides man.
iv wartent bi den rossen. wir soln riten hin.
wande ich vil vngerne. bi den Suregonden bin.

Do sprach div frowe Chriemhilt. mir ratent frivnde min.
swaz ich han der getriwen. ich sole hie bi in sin.
ich habe luzzel mage. in Nibelunge lant.
leit was ez Sigemunde. do er div märe an ir ervant.

Do sprach der kunic Sigemunt. daz enlat iv niemen sagen.
vor allen minen magen. solt ir chrone tragen.
alsam gewaltekliche. als ir e' habt getan.
irv solt des niht engelten. daz wir den helt verlorn han.

Vnt vart och mit vns widere. durch iwer kindelin.
daz ensolt ir so niht frowe. verweistet lazen sin.
svenne iwer svon gewähset. der troestet iv den mvot.
die wile sol iv dienen. von rechen manic helt gvot.

Si sprach herre Sigemunt. ine mac geriten niht.
ich mooz hie beliben. swaz halt mir geschiht.
bi den minen magen. daz si mir helfen klagn.
do begunde diu märe. den goten rechen misschagn.

Sie sprachen al geliche. so mohten wir wol gehn.
daz vns aller erste. wäre leit geschehn.
ob ir beliben woldet. bi vnsern nunden hie.
so geriten hove reise. noch helde sorchlicher nie.

Ir sult ane alle sorge. gote bevolhen varn.
ich schaffe ir gnot geleite. vnt heiz ich wol bewarn.
zu Sigemundes lande. min liebez kindelin.
daz sol vf genade. ir rechen wol bevolhen sin.

Do si daz vernamen. daz si niht wolde dan.
do weinten al gemeine. die Sivrides man.
wie rehte iämerliche. sich schiet Sigemunt.
von der kuniginne. do was im vngewete chunt.

We geschehe der hochgerite. sprach der kunic her.
ez geschiht von churcewile. leider nimmer mer.
deheinen kuniges magen. danne vns ist geschehn.
man sol vns nimmer mere. hie zen Buregonden sehn.

Do sprachen offenliche. die Sivrides man.
ez mohte noch ein reise. indizze lant ergan.
so wir den reht erfunden. der vns den herren erfloech.
si hant von sinen magen. der starchen vinde genwoch.

Er chuste Chriemhilde. wie iämerlich er sprach.
do si niht riten wolde. vnt er daz reht erfach.
nw riten vreden ane. heim in unser lant.
alle mine sorge. sint mir erste nw bechant.

Si riten ungeleitet. von Wormez zetal den Kin.
si mohten sicherlichen. wol des notes sin.
ob si in vintscheffe. wrden an gerant.
das sich wern wolde. der chunen Nibelunge hant.

Sine gerten vrloubes. da ze cheinem man.
do sah man Gernoten. vnt Giselhern gan.
zwo zim minneklichen. in was sin schade leit.
des brahten in wol innen. die helde kon vnt gemeit.

Do sprach gezogenliche. der kunic Gernot.
got weiz das wol von himele. an Sivrides tot.
gewan ich nie die schulde. das ich das horte sagn.
wer im hie vint were. ich sol in pilliche klagen.

Do gab in sin geleite. Giselher das kint.
er brahte sorgende. v3 dem lande sint.
den kunic mit sinen rechen. heim ze Niderlant.
wie luzzil man der mage. dar inne vroliche vant.

Wie si nu gefüren. des enkan ich niht gesagn.
man horte zallen citen. hie Chriemhilde klagn.
das ir niemen troste. das herce vnt och den mvot.
ez entät ir bruder Giselher. der was getriwe unt gvot.

Prvnhilt diu schone. mit obermote saz.
swaz Chriemhilt geweinte. vnmäre was ir daz.
sine wart ir rechter triwen. nimmer me bereit.
sit geriet och ir vrov Chriemhilt. ich wän als ungefvogiv leit.